


林園月令二編

五

特1
2960



林園月令二編卷五

新瀉館

機

樞卿

纂輯

七月

月令演七月流火涼風至庭白露夜降

寒蟬晝鳴鷹當祭鳥殺氣繁興天地始

肅新禾漸登錦帶連珠涼風蕭瑟吟

齊女之蟬浩露凄清警丁令之鶴長

林園月令

二編卷五 七月

一

特
2960

河遶鵲天孫曳雲錦之裳延閣停鸞王
母下斑龍之輦涼颺拂檻落金井之
桐枝素月飛軒映白雲于芝草山中
聞控鶴之吹天外聽迎龍之唱美人
連綬騰吹百子之池少女穿針高盼七
襄之浦疎林澹月高映蘭樓遠岫涼
烟虛翳翠帳蒲軒密樹應憐翻葉之

風飛閣疎雲還見洗車之雨蒼鷹振
千日之翮紅蘭滋九畹之英散楸葉
而爲葩結蛛絲而成巧一歲芳華巧
遺仙縷綺窓亂乞蛛絲慧接佛燈碧水
紛燃蓮焰清嘉錄立秋前數日羅雲
復疊細雨廉纖金風欲來炎景將褪似
乎有新涼之意思諺云預先十日作秋

天李福偶得吳諺成詩云梧桐滿院綠
陰連引得新涼到枕邊細雨斜風幾番
過預先十日作秋天 立秋日雷鳴主
稻秀不實諺云秋穀碌收批穀又以稻
秀時濃霧大作中有白虹橫貫者俗呼
白鬻亦主獲批穀謂之天收蔡雲吳歛
云兩灑風飄日又晴先秋十日借秋聲

雪爪火酒迎新爽怕聽天邊玉虎鳴
盧志立秋日忌雷聲諺云秋字鹿損萬
斛范石湖秋雷嘆云立秋之雷損萬斛
吳儂記此占年穀汰我豐隆無藉在政
用此時鳴字輓向來夏旱連三月吁嗟
上訴聲滿屋訟風未憖復占雷助魃為
妖天更酷我雖閑寂忝祠史家請官供

尚倉粟塵甑貧交滿目前卒歲將何救
枵腹但願吳儂言不驗共割黃雲炊白
玉天人遠近已戲論裨竈安能尸禍福
范志又云立秋後虹見為天收雖大稔
亦減分數農桑要覽虹俗呼鬻以形如
鬻魚背故名也蔡鐵翁詩一秋無鬻慰
邨農江震志云立秋後丁卯日忌雨諺

云雨打秋丁卯田中獲爛稻土俗又
以立秋時之朝夜占涼燠諺云朝立秋
淘颼颼夜立秋熱叫叫自是以後或有
時仍酷熱不可耐者謂之秋老虎案崔
寔四民月令作朝立秋冷颼颼夜立秋
熱到頭世說劉真長見丞相王導時方
盛夏導以腹慰彈棋局曰何乃淘劉出

紅指甲相傳留護至明春元旦老年人
閱之令目不昏案周密癸辛雜志鳳仙
花紅者搗碎入明礬少許染指甲用片
帛纏定過夜如此三四次則其色深紅
洗滌不去日久漸退回人多喜之花史
李玉英秋日搗鳳仙花染指甲又明瞿
佑紅指甲詩云金盃和露搗仙葩解使

纖纖玉有瑕一點愁凝鸚鵡喙十分春
上牡丹芽嬌彈粉淚拋紅豆戲掐花枝
鏤絳霞女伴相逢頻借問幾回錯認守
宮砂但不定在七夕耳惟崑新合志則
云七夕少女搗鳳仙花汁染指尖七
夕後看天河顯晦卜米價之低昂謂晦
則米貴顯則米賤予有七夕看天河詩

云未弦月色映前谿靜夜銀灣一望低
欲卜秋來新米價天孫遠嫁在河西案
郭傾伽樗園消夏錄載戴石屏舟中夜
坐詩云獨坐觀星斗一襟秋思長天河
司米價太乙照時康謂此語流傳已久
中元農家祀田神各具粉糲雞黍瓜
蔬之屬於田間十字路口再拜而祝謂

之齋田頭案韓昌黎詩共向田頭樂社
神又云願為同社人雞豚宴春秋周禮
疏云社者五土之總神又為田神之所
依則是今之七月十五日之祀猶古之
秋社耳二十日俗傳棉花生日忌雨
諺云兩打七月念棉花弗上店案歲時
瑣事七月二十日諺謂陳棉花生日喜

晴

麗藻 五言律詩

舟中立秋

清施閔章尚白

垂老畏聞秋，年光逐水流。
陰雲沈岸草，急雨亂灘舟。
時事詩書拙，軍儲嶺海愁。
存饑今有歲，倚棹望西疇。

早秋西華潭

朱彝尊錫

殘暑秋逾熾，涼風午乍催。
微波蓮葉卷，新雨豆花開。
宛轉通橋影，清冷傍水隈。
夕陽山更好，金碧湧樓臺。

七月八日夜對月

素月弦初直，清宵漏轉添。
乍堪盈手贈，無復兩頭纖。
影動明河鵲，涼生碧海蟾。
玲瓏看不定，試上水晶簾。

初秋小飲雙林寺荷亭

查慎行 悔餘

共喜聯鞍去，精藍古堠邊。
斷橋花底鷺，高岸柳陰蟬。
野意迎涼爽，秋容得雨鮮。
昔遊吾自記，塵土夢三年。

立秋日馬寒中素邨見過

好友兼秋到，新涼似病餘。
數莖添白髮，

一夢過紅蕖。自笑貧逾甚，翻憐迹未疎。
盤餐論後約，手自種園蔬。

恭和御製生秋詩用元微之生春

詩韻

沈德潛 礪士

何處生秋早，秋生雲色中。
奇峰初斂態，薄縠不禁風。
影入空江淨，鱗遮淡日融。
星榆連月桂，掩映自成叢。

何處生秋早，秋生玉露中。
珠垂楊柳月，銀瀉芰荷風。
杯裏三危潤，盤中五色融。
露濡到小草，偏近玉階籠。

何處生秋早，秋生霽色中。
金翻鴉背日，塵拂馬蹄風。
鐘鼓晴初報，郊原暑乍融。
豐年暘雨若，暖潤稻花籠。

何處生秋早，秋生流火中。
霧消炎海瘴，氣引雪山風。
商意侵河鼓，離光退祝融。
撫時思結佩，擬擷紫蘭籠。

何處生秋早，秋生江路中。
鷗閑沙渚夢，漁醉柳塘風。
碣轉嵐光近，帆飛曙色融。
琵琶催送客，瑟瑟荻花籠。

何處生秋早，秋生斷岸中。
芙蓉裳宵，法露柳線曉梳風。
碣隱芳蘅秀，波涵澹照融。

隔溪誰弄邃聲出亂煙繁

何處生秋早秋生梧色中半庭疎漏月
一葉墜驚風金井牽絲冷高岡向日融
鳳儀天下仰棲息碧雲繁

何處生秋早秋生雜卉中種多俱得露
香冷遠含風過候蜂黃淺傾陽蜨粉融
東皇長作主素序有芳繁

何處生秋早秋生鳥思中鴛翻荷葉雨
燕掠蓼花風水宿波光冷枝鳴霽景融
定餘還入夢寐寐翠雲繁

何處生秋早秋生紫禁中漏聲傳短晷
琴韻謝薰風昧谷咨羲叔經筵侍馬融
西郊方大獵狐兔滿榛蕪

何處生秋早秋生池榭中筵邊帝子駕

幔卷楚王風，夜看銀河轉。吟催蠟炬融，
省郎方直宿。小立紫薇籠。

何處生秋早，秋生人意中。胸襟涵爽氣，
塵埃滌清風。序以天時轉，心將物理融。
荷衣蕙爲帶，不入少年籠。

何處生秋早，秋生半睡中。神遊古槐穴，
世接上皇風。手快慵將隨，爐煙煖欲融。

聲聲啼絡緯，任爾薜蘿籠。

何處生秋早，秋生曉鏡中。鬢蟬開薄霧，
釵燕動微風。黛映遙山翠，光憐暖玉融。
苦心爭向日，笑指露葵籠。

何處生秋早，秋生綺戶中。琴絃張素月，
舞袖起涼風。影對銀屏冷，顏憑玉液融。
鳳仙堪采摘，艷比去年籠。

何處生秋早，秋生古寺中。
觀空潭水月，無碍塔鈴風。
花散諸天寂，燈然一室融。
塔前真趣在，忍草發寒叢。
何處生秋早，秋生濛雨中。
衣露誰見迹，窓灑自因風。
蘿屋煙難散，瓜疇土自融。
伊人勞想象，宛在露葭禁。

初秋夜坐

樓儼敬思

秋到月逾白，暑微風漸清。
微吟忘漏下，久坐覺涼生。
昨夜尊鱸夢，當年鷗鷺盟。
拂衣歸亦得，雞肋戀微名。

初秋同許雪邨遊濤園

黃任莘田

所立寂閑曠，能將遠意收。
高風獨鳥下，古木斷雲流。
絕壑清難暑，空山響易秋。

倏然來暮景添得桂松幽

立秋

幾陣疎疎雨殘荷尚發香秋衫天與健
午榻竹先涼露洗明河白雲銜日脚黃
蕭齋一蟬噪光景似林塘

新秋雨後夜坐

錢維城 如安

斜陽殘雨外一半作秋晴雲葉飛無定

檐花落漸輕螢流深樹影鐘隔遠溪聲
靜愜幽蘭意方凝玉軫情

新秋夜雨

邵齊然 光人

每到秋來雨淒涼滴晚空無端當漏靜
不覺入愁中明滅一燈影飄蕭半夜風
暗隨黃葉墮清響上疎櫳

耿耿久不寐蕭蕭聽未稀有人愁永夕

無語對孤幃，殘穗抵將盡。流螢溼不飛，
秋風看貼體。應悔典春衣。

七月十五夜祁陽對月

錢載坤一

湘水露華滿，祁陽雲翠流。今年無閏夏，
此夕即中秋。高館深留客，疎簾半上鉤。
舉家京邸話，應憶到南州。

早秋過巨公禪堂 閔華 蕙風

初地秋先到，涼風滿戶間。鶴聲松院靜，
僧語竹窓閑。蔬果生禪味，煙霞見道顏。
一枰貪坐雨，薄暮欲忘還。

立秋日偶作 程夢湘 荆南

西堂不受暑，况復晚風清。一葉落無意，
悄然秋思生。蘿陰歇微雨，荷沼作新晴。

爲問淮南樹招人若有情

早秋山行

朱彭亦錢

一雨滌殘暑，脩然郭外行。松涼人氣健，
山霽鳥聲清。野老携鋤返，稚童掃徑迎。
自欣來往熟，到處愜幽情。

五言排律

涼風至

清吳錫麒聖徵

涼信來無際，微風颯颯吹。能添今夕爽，
殊有故人思。薄雨將成候，疎煙欲動時。
素波生嫋嫋，落葉下遲遲。小颭螢穿竹，
斜翻燕掠池。袷衣纔合試，團扇已先知。
河漢懷前約，尊鱸問後期。田家應更好，
香送稻花宜。

白露降

露華今又白，庭際見霏霏。色自冰壺結，
涼先寶掌飛。花間吹水淡，葉上受光微。
五夜疎蟬咽，三霄警鶴歸。珠胎能奪目，
玉液定療飢。月魄窺全失，霜華釀尚非。
移黃添柳脚，暈碧上荷衣。禁苑膏先渥，
祥占五色輝。

寒蟬鳴

西風纔幾日，寒意感鳴蟬。響徹斜陽裏，
吟催落葉先。新餐分玉露，舊調換商絃。
塵鬢年來客，銅盤蛻後仙。碧雲千樹遠，
孤磬一聲圓。咽每和殘雨，疎將入暝煙。
林亭曾聽處，早晚已涼天。上苑枝堪借，
秋光分外鮮。

鷹乃祭鳥

颯然秋色外，鷹影下空郊。
報本同豺祭，輕身作鳥鈔。
猛隨飛電掣，側向暮雲捎。
淺草平原際，風毛雨血交。
誠應通碧落，俊自竦青霄。
一獻聊觀禮，三驅早應爓。
稜威生颯颯，凡響絕啁啁。
慘淡乘時會，空山聽鼓鐃。

天地始肅

高天呈皎潔，大地表晶瑩。
物以秋當歛，時因肅乃成。
三霄看露下，萬里見烟橫。
河漢微茫影，江湖浩蕩情。
雲邊停霽色，樹外落涼聲。
金氣通宵白，瓊壺一意清。
吹商驚草木，講武詰戎兵。
爽助宸遊喜，龍樓日正晴。

農乃登穀

穀乃農之本，維天旱降，康作甘，含土德。
成實應金穰，露自前宵白，雲先此日黃。
千畦占大有，一色飽斜陽，鳥雀驚鎌影。
兒童說稻香，但看吹擺稻，不待祝倉箱。
勸板催朝響，田謳起夕涼，豳風圖可繪。
樂事報君王。

天孫雲錦

共乞天孫巧，天孫巧獨誇，文章開錦陣，
杼軸走雲車，瓊聚扶桑，繭梭穿寶相花，
絲絲經鳳擘，幅幅認龍拏，觸白支機石，
張來買月槎，九霄看變化，五色簇光華，
淺學綃籠霧，濃添綺散霞，七襄須努力，
黼黻獻皇家。

今夕知何夕，銀雲淡不收，裁量天上錦

組織古來秋幔卷，停風剪屏張。挂月鉤，
重花蕪密葉，漢影接河流。樣借銖衣薄，
情分綵綫柔。一槁通鵲路，千里接麟洲。
質本同烟霧，絲難繫女牛。文光能映射，
識取曝書樓。

七言律詩

六月廿三夜夜寒是立秋後六日

清 王士正 胎上

靜掩交關玉漏殘，暗驚秋思起長歎。未
看旅雁連翩起，已覺涼蛩即次繁。秋士
易悲紅樹落，美人猶隔碧雲端。行波淺
上宮中，由夢裏依稀賦曉寒。

入秋酷暑七月十二日晚風月甚

清遂有涼意

厲 鶚 太鴻

新涼有情助，獨吟螢影熠。熠照堂陰秋，
聲滿簾那可覓。明月出樹如相尋，今我
不樂歲云暮。古人已往誰嗣音，扁身後
夜汎湖去。驚起老鶴橫西林。

立秋夕同中林履旋小飲隱拙齋

沈廷芳 晚叔

早見銀河角影斜，西風先到小庭花。涼

生荷芰野人服，秋滿竹林居士家。團扇
欲拋留篋衍，短檠初上對窗紗。題詩莫
感流光速，明月當頭酒可賒。

七夕吳興道中

諸重光 申之

一天涼露洗銀鷗，碧浪湖頭始放眸。小
艇爭分菱葉路，人煙多在荻花洲。仙家
迢遞期今夕，行客漂零畏早秋。不用水

嬉徵故事，茗南端，合付清游。

七夕前一日

謝

垣東君

初鳴蟋蟀，早秋涼。團扇還憐，夜未央，解
恨欲傾千日酒，招歡聊趁五雲香。柳因
腰瘦難舒眼，藕為心虛易斷腸。同道來
宵，牛女會，起看銀漢露露裳。

閏七夕

錢大昕曉徵

又是秋河絡角時，停機重把鞞羅移。多
情葭管灰偏剩，解事蓮花漏較遲。兒女
穿鍼翻舊樣，詞人乞巧換新詩。素娥此
夜知遙妒，不放金波万里垂。是夕無月

邨行

幾日輕陰暑漸銷，孤邨稍喜避塵囂。秋
梁已穗宜刪葉，晚豆將花亟護苗。細細

菱絲浮水面，纍纍瓜蔓挂牆腰。兩餘準
備前途滑，伐柳填薪當小槁。

七言絕句

立秋後作

清王士正 貽上

飄蕭霜鬢客天涯，叉手閑庭到日斜。
何處西風近秋社，滿庭寒雨落槐花。

都門竹枝詞

七夕針樓看水痕，家家小婦拜天孫。
明朝得巧拋針線，別買宣窑蟋蟀盆。

朱彝尊

朱彝尊 錫鬯

浪傳靈匹幾千秋，天路微茫不易求。
今夜白榆連理樹，明朝銀浦斷腸風。
瓜果中筵笑語微，西樓涼月夜開扉。
無因得汎浮槎去，親向天孫乞巧歸。

七月二十八夜坐 楊錫紱方來

歸帆初卸，棹歌停。漠漠涼生，草露零正。好夜來無，月上水窗風細，數流螢。

七夕寄內 陳鴻寶 衛叔

瓜果紛陳，乞巧盤孤，懷今夕不成歡。人間亦有，經年別可作，盈盈一水看。

七夕辭 沈德潛 稿士

銀漢無聲，月吐眉涼，風瑟瑟動，虛帷自

吟，落葉哀蟬，後并忘仙家會合期。

那堪靈匹，又分襟，略似參商，悵別深獨

有，姮娥無伴侶，此生不起別離心。

璇宮莫怨，渺難攀，地久天長，往復還只

有生離無死別，果然天上勝人間。

七夕 趙翼 雲崧

乞巧期偏值，暗宵濃雲作雨。正瀟瀟銀
河自在，雲之上，不礙天孫渡鵲橋。

七夕雨

吳錫麒聖徵

黃昏簷際送潺潺，入耳如聞響珮環。天
上也吟神女賦，催教暮雨到人間。
鵲羽沾濡候渡河，悵悵惜惜夜如何。明
朝驗取悽惶淚，灑向牽牛花上多。

訪秋絕句

出門無數亂雲橫，秋士悲秋苦調成。我
有國風君子慕，古愁先爲草虫生。
豆架瓜棚暑不長，野人籬落占秋光。牽
牛花是隣家種，瘦竹一莖扶上墻。

○八月

月令演秋氣，方半鴻雁初來。玄鳥難留，

淒涼遠歸，群鳥養羞，雷聲若坏，何獨蟄
蟲水涸也哉。錦帶連珠，素風振響，雲
連朔雁之行，皓月飛光，桂拂瑤蟾之影，
星羅竹戶，彈漢好之棋，霞起羽陵，曝
周王之簡，洞庭木落，風迴笛裏之濤，
天柱峰寒，雲啓筵前之月，白草鳴蜩，
清露唳鶴，銀河皎皎，尋織石於靈槎。

冰鏡團團，泝霓裳於仙杖，嵩山清夜，
敲素女之砧，月陌寒光，吹紫雲之笛，
攜刻玉之鳩杖，提承露之仙囊，瑟瑟
高商音振，柯亭之竹，悠悠澄景，光曳楊
子之濤，嵩丘良宴，不誇西苑之遊，牛
渚高吟，何似南樓之咏，碧月流天，對
霜娥而訴怨，金風和露，迎仙女以長歌。

一歲芳華廣庭素練影飄天上之華
大樹霓裳譜絕人間之曲
宋犖筠廊
偶筆八月初一妓從士人會飲臨風舉
酒屬諸公曰雲物高爽可稱詩天即日
其妓聲名頓起
清嘉錄中秋俗呼八
月半是夕人家各有宴會以酬佳節人
又以此夜之晴雨占次年元宵陰晴諺

云八月十五雲遮月來歲元宵雨打燈
又云兩打上元燈雲罩中秋月蔡雲吳
飲云悶悶中秋雲罩月曉曉元夜雨淋
燈誰知籬豆花開日養稻正需水滿塍
比戶瓶花香蠟望空頂禮小兒女膜
拜月下嬉戲燈前謂之齋月宮案陸啟
北京歲華記中秋之夕人家各置月宮

符像符上兔如人立陳瓜果於庭餅面
繪月中蟾兔男女肅拜燒香旦而焚之
吳俗不設月宮符像向空展拜而已
人家餽貽月餅為中秋節物十五夜則
偕瓜果以供祭月筵前祁啟萼月餅詩
云中秋節物未為低火燻羅羅出金齊
一樣餅師新製得佳名先向月中題案

吳曼雲江鄉節物詞小序杭俗中秋食
月餅夜設祭月取人月雙圓意詩云粉
膏團影月分光不是紅綾亦飽嘗只恐
團圓空說餅征人多少未還鄉 十八
日遊石湖昏時看行春橋下串月舊俗
多泊舟望湖亭今亭廢而畫舫皆不輕
往或借觀串月之名偶有一二往遊者

金烏未墜便已辭權石湖爭泊白隄微
歌賭酒矣蔡雲吳歛云行春橋畔畫橈
停十里秋光紅蓼汀夜半潮生看串月
幾人醉倚望湖亭又云怒濤影疊饒溪
港皓魄光連寶帶橋共說楞伽秋坐好
那知春月漾春潮又徐士鉉吳中竹枝
詞云秋風十里綠蒲生串月看來虛有

名十八橋環半遮沒漁邨一點水邊明
案周密齊東野語石湖在楞伽山下太
湖之一派也王鏊姑蘇志云界吳縣吳
江之間有茶磨諸峰映帶頗爲絕勝相
傳范蠡從入五湖處徐崧張大純百城
煙水八月十八日羣往楞伽山望湖亭
看串月爲奇觀長元吳志載十八日昏

時遊石湖觀寶帶橋下串月。褚人獲堅
齠集云從寶帶橋外出數有七十二此
橫說也。或云從葑門外饒溪港光影相
接望如塔燈此豎說也。然亦如阿闍佛
國纔一現耳。族高伯祖俠君先生有八
月十八夜看串月歌云。治平山寺何岩
堯湖光吐納山連遙煙中明滅寶帶橋

金波萬疊風騷騷。年年八月十八夜飛
廉驅雲落村舍。金盆出水耀光芒。琉璃
迸破銀瓶瀉。散作明珠千萬顆。老兔寒
蟾景相嚇。魚婢蟹奴爭獻奇。手搴桂旗
吹參差。水花雲葉搞心布。移來海市秋
風時。吳儂好事邀新客。舳艫銜尾排南
陌。紅豆新詞出絳唇。粉胸繡臆回歌席。

綠蛾淋漓枕樓倒醒來月在松杉抄又
邵長蘅治遊詩有十八楞伽山湖亭待
串月之句尤西堂詩云常是携兒看串
月行春橋畔聽吹簫蓋是時遊客皆泛
舟石湖也土人云二月十八夜亦見串
月又云郡城眼目司堂前橋中亦可看
串月之影沈朝初憶江南詞云蘓州好

串月看長橋橋畔重重湖面濶月光片
片挂輪高此夜愛吹簫注云行春橋跨
石湖之上八月十八日月光初起入橋
洞中其影如串或云十八夜串月從上
方塔鍊練中看出是夜月之分度適當
鍊練之中倒影於地聯絡一串故云
二十四日農人以是日爲稻生日雨則

藁多腐，諺云燒乾柴吃白米。案九邑志載八月二十四日為稻藁生日，忌雨。又歲時瑣事：稻藁日雨則雖得稿亦腐。俗呼巖桂為木犀，有早晚二種。在秋分節開者曰早桂，寒露節開者曰晚桂。將花之時必有數日，塵熱如溽暑，謂之木犀蒸。言蒸鬱而始花也。自是金風催蕊。

玉露零，香男女者穉極。意縱遊，兼旬始歇。號木犀市。七八月間大風陡至，先有海沙雲起者，謂之風潮。蔡雲吳歛云：裂殘火織作羅紋，蕭颯聲來，退暑氛。又恐風潮壞棉稻。東南莫起海沙雲，案海粟道人莊諧雜誌：吳中七八月間大風陡起，一晝夜不息者，名為風潮。萬竅

怒號揚沙走石元人詩有云排空疑有鬼神戰對面不聞人語音土俗以處暑後天氣猶暄約再歷十八日而始涼諺有云處暑十八盆謂沐浴十八日也又諺云白露身弗露言至是天氣乃肅可以授衣耳又以白露前後霧主稻穗易實諺云白露白迷迷秋分稻秀齊又

以稻秀時忌風諺云稻秀只怕風夾擺麥秀只怕雨來淋稻田收割又皆以霜降為候蓋寒露下來稻穗已黃至霜降乃刈之諺云寒露沒音讀如薦青稻霜降一齊倒又以霜降日宜霜主來歲豐稔諺云霜降見霜米爛陳倉若未霜而霜主來歲饑諺云未霜見霜糶米人像霸

王

麗藻 五言律詩

閏八月十五夜 清王士正 貽上

好月當三五，中秋兩度看。
依然銀漢影，不改暮雲端。
玉漏宵逾永，清輝晚更寒。
白榆何歷歷，猶映漢宮盤。

十三夜月 諸錦 襄七

蒼璧圓猶擘，高秋恰近中。
微雲無點綴，清露竟流空。
楊柳藏鴉起，蒹葭宿鷺同。
隔船誰撫瑟，清怨出簾櫳。

秋分後天氣已涼忽復大熱

趙翼 雲松

秋冷復驚暑，渾疑節候差。
幾如同馬箭，仍障辟蚊紗。
白落荷無瓣，黃蒸菊有華。

笑同新米價已賤又增加近日事

秋月

蔣 莘覺夫

秋月如秋女蛾眉見一鉤含情託斜漢
和恨在高樓玉露盈盈淚金波脉脉愁
自憐惆悵慣為爾怨牽牛

五言排律

賦得殘月如新月

清紀 昉曉嵐

缺月照庭除纖纖畫不如雖非三日後
却似半規初祇道弦將上誰言魄漸虛
依然千里共還是一鉤餘光但今增減
形難辨斂舒誰能令顧兔定亦誤驚魚
老桂花常在仙萸葉漸疎餘輝如何借
為照案頭書

賦得秋月如圭

月色淨，玻璃秋宵畫閣西。無瑕原似璧，
有角便成圭。仙桂開方滿，新桐剪乍齊。
修來原是斧，切處定如泥。象以斜長肖，
形從朐眇稽。涼天懸玉片，深夜照金闈。
冷露中庭濕，明河右界低。方輝吟入戶，
更憶隱侯題。

鴻雁來

吳錫麒 聖徵

東風吹雁去，時序急奔瀧。一度驚秋色，
依然向楚江。遠隨梧葉影，來答竹枝腔。
入塞程纔幾，衝煙侶自雙。斷雲飄畫角，
涼夢破銀缸。舊印泥融水，新聲月在窓。
有時留荻渚，不定逐漁艫。學得飛鴻態，
臨池未肯降。

玄鳥歸

纔得香巢穩如何便欲歸
長途須緩緩別意轉依依
雲水家無定風霜影共飛
雛携新紫領國問舊烏衣
候已炎涼閱情知客旅非
梁間空落月巷口幾斜暉
遼海程難計新春約肯違
明年花信裏重待欸荆扉

羣鳥養羞

羽族連羣出先期爲養羞
紛紛于野獲落落和田求
夕照同聲應西成一例收
御冬爭旨蓄徹土共綢繆
穴鼠搬薑智汀鴻覓稻謀
息將稱老物愆不到乾餼
庶免空倉噪應無罄室憂
尚貪梅信早凍蕊啖枝頭

雷始收聲

萬物告成功，神威息太空。候真如電過，
聲已謝雷同。前部歸丁甲，諸天靜雨風。
響停車百里勢，竭鼓三通無復金蛇掣。
徐消玉帛雄警心，猶號號傾耳失隆隆。
蚊市荒涼後，鯨濤想像中。春陽重奮發，
先為驗晴虹。

蟄蟲坏戶

蟄穴坏難緩，微蟲智力俱。綢繆先牖戶，
積聚費工夫。封尚丸泥待，培還撮土須。
護涼依草脚，補隙借苔鬚。風露催何急，
冰霜戒不虞。也添高隱隱，只待累銖銖。
一綫猶通處，千房好結無。歲寒期伴侶，
黽勉為身圖。

水始涸

野水初收，潦陂塘涸。若何幾灣，殊淺淺。
一帶騰羅羅，葉落黃微壅。風行素不波，
漲痕平鷺嶼。蒿眼露蜂窠，萍滯來時信。
菱荒采後歌，祇應棲雁鷺。漸欲蟄蛟鬣，
絕浦人煙少。深宵蟬火多，芙蓉前渡發。
命棹孰經過。

七言律詩

中秋和張友鴻吳六益

清施閏章 尚白

清樽露坐客衣單，酒罷狂歌興未闌。
秋色一年今夜好，鄉心萬里九霄看。
風吹玉笛關山怨，葉落金門天地寒。
回首家園俄隔歲，小兒已解憶長安。

中秋和米紫來

王士正貽上

金波午夜淨，遙天宮漏迢迢。霽景鮮江左，清才希逸賦南樓。佳興庾公年，廣庭色亂嬋娟。竹芳榭塵生，大小弦從此驚心掩。空篋誰憐，紈扇影踰躔。

中秋夜廣陵看山樓對月

萬鵲太鴻

連宵積雨卷滂沱，洗出秋容與素娥。淮海東來寒一點，闌干下見渺層波。細尋桂子，鄉關遠苦戀，簫聲夜思多。賴有主人能酌客，肯教邀影對紅螺。

中秋細雨夜泛扁邱

趙執信 伸符

微風和雨裊輕舟，仙侶相將耐夜遊。澹

泊月光渾向曙，淒迷燈火更宜秋。
綠溪越舫喧殘醉，夾岸秦簫倚妙謳。
為問西成充羨否，吳中自古不知愁。

秋夜投止山家

嚴遂成松瞻

山當面立路疑窮，轉過灣來四望通。
涼月滿樓人在水，遠煙着地樹浮空。
熊羆之狀乃奇石，鸛鶴有聲如老翁。
清福此

間殊不乏可容，招隱桂花棗

露

吳泰來企晉

月華如練夜霏霏，梧竹庭幽捲幔看。
響滴清荷人未寢，涼生白苧漏初殘。
飄零舊苑銅仙淚，冷落秋江楚客蘭。
寔是懷人增遠思，薰葭無際雁聲寒。

中秋日同人夜宴西齋有作

巖長明道甫

長空無翳樹無烟為惜良辰減晏眠遙
夜天分秋一半中庭人與月俱圓香浮
河漢微茫外坐近江花綽約邊他日料
應懷此夕好將嘉會紀尊前

八月十六夜對月 趙亦翼雲崧

冰輪漸減若為磨客裏流年感逝波佳

節又看今歲去清光還似昨宵多定知
吳質眠猶未漸恐姮娥瘦奈何不忍聽
他從此缺開軒看到過銀河

七言絕句

中秋夜深得好月

清施閏章尚白

酒罷雲開夜未殘澄江高閣一凭欄去

年此夕蓮峰坐二十六峰清影寒

力

甲戌秋仲庭梅忽開戲賦

孫彥朝

□□

花信曾探第一風重分高韻到秋策冰

肌數點依丹桂姑射仙人入月宮

玉顏早愛雪霜寒不許尋常蜂蝶殘何

事南枝不珍重丹楓黃榭一時看

東軒題壁

彭

淑秋潭

露下木樨香滿庭秋堂燈影夜深青微

寒又作瀟瀟雨聽到梧桐酒忽醒

由興化迂曲至高郵七截句

錄一首

鄭變克柔

一塘蒲過一塘蓮荇葉菱絲滿稻田最

是江南秋八月鷄頭米賽蚌珠圓

山塘口占

黃

任莘田

新裁衫子越溪綾雅樣梅花間裂冰微
帶幾分香汗濕連朝天氣木樨蒸

桂開

趙

翼雲松

中庭雨過愛新涼前後俱開桂藥黃身
在眾香國裏坐却嫌坐久不聞香
從隣家乞竹種之後園

吳錫麒 聖徵

食肉無錢久耐貧此君偏要乞諸隣恰
宜種植宜移徙是月光陰竹小春

中秋無月

顧

祿鐵卿

當頭不見月華明長板橋邊覓伴行香
霧空濛渾不辨一時粉黛盡傾城

特
2960

林園月令二編卷五

Table with multiple columns of text, likely a calendar or almanac. The text is arranged in vertical columns within a rectangular border. The rightmost column contains the title '林園月令二編卷五'. The following columns contain various entries, possibly dates and corresponding events or instructions. The text is written in a traditional Chinese style.

